

林榕江先生集卷第六

不肖男世璧編梓

五言律詩五十五首

大禮

頒曆遇靈改元有感

嘉靖頒新曆 天王御紫宸飛龍千載運瑞

雪萬方春鐘鼓趨清曉班行肅縉紳鼎湖遺

恨遠嗚咽一露巾

聞 詔賜暖耳

天語傳黃幄千官拜赤墀感深挾纊日 恩
浹賜貂時不畏風威冷飆嫵酒力遲俸金猶
可辦慚負素餐詩

感述

有感用杜韻 五首

將帥都崇爵軍儲惜去年似聞千里霧猶蔽
九重天貴戚新開府驕胡近到邊玉關何日
閉遺恨自張騫

其二

幽薊皆黃土都城半白狼群公休憚疏赤子
每相望但見頒金幣誰能補袞裳頓令三字
後寂寞憶南陽

其三

洛下收群盜當知賊後均放罟總昨歲征迫
又今春白屋貧如舊黃書墨尚新安危須大
老獻納有忠臣

其四

丹桂含初秀青蒲發早凋人才關氣運封事

翊 皇朝收拾遺賢盡從容聽諫遙都俞千
古盛何日聽簫韶

其五

胡滅今猶盛三邊事可疑籍丁皆老弱馬政
漸凌遲總制紆籌策中官領 詔辭更湏醫
國手滿為起瘡痍

送別

送李百竹知曲江

曲江江水清照見萬古心湖海故人去風塵
遊子吟春到遐方政秋生百竹陰遙知明月
夜花下五絃琴

送方崇陵審錄山東

省郎辭北闕 王事下東州思稱寬仁詔還
將汗漫遊人傾黃菊酒天遠白雲秋定有觀
風疏歸來拜 冕旒

題贈

竹溪為劉指揮題

野色明寒日晴光散玉溪刻詩留汗簡引水

種荷衣鳥下茶烟起花深釣艇歸太平多樂
事老將息兵機

白泉書院為汪太守題 三首

泉為天下白人更比泉清綠野沾餘潤青天
自在行臨溪魚盡樂觀瀑布初晴柳外微波
動時來一濯纓

其二

雲閣千峯見泉多白玉成水從天上落舟在
鏡中行書幔橫江卷詩壇削石平閩山遊五
馬回首憶蓬瀛

其三

楚水孤雲細幽泉百道開映天微有影浴日
本無埃迸地瓊瑤合懸空風雨來潔身同一
派高起讀書臺

題卧壺卷贈徐子美

八壺蒼壁迥一枕白雲深眠穩木蘭月夢回
楓樹林風烟歸色相天地即帷衾萬里趨閩
闔應須別故岑

松泉為仲都閫題

將軍滄海上開府碧山阿
松色懸秋水泉聲繞鐵柯
虬盤多雨露劍洗挽天河
登用明堂日風清萬里波

寄簡

和皇甫子浚二首

三秋真憶汝雙鯉忽來音
書法鍾王逼詩章沈謝深
高人在山谷病子解朝簪
早晚扁舟去相期湖水陰

其二

東閣梅花早南天雪片稀
雕胡堪作飯薜荔可為衣
海濶蛟龍蟄風高鸛鶴飛
何時能握手離思苦依依

訓畬

和鄭南溟遊烏石

山意隨人好登臨問夙期
汀鷗如狎客風葉似供詩
埜闊雲生處江清水落時
願言畢幽賞未可動離思

維揚會舊寅屠文伯

憶昔南宮日逢時共隱憂風波從宦海鴻鴈
下滄洲出處誰能定乾坤可自由 賜環當
不遠遲爾鳳凰樓

和宗伯昭見贈

酒熟金陵市往來欲典衣故人江上到知已
眼中稀山近浮烟暝雲寒帶雪霏馬卿天下
士何日薦彤闈

和鄭三峯秋官見寄三首

三峯遙憶汝落落久離群得句凌黃鶴隨衙
入白雲臺高江月小山靜夕陽分正是思君
處長空一鴈聞

其二

青烟迷野望碧柳散春愁短笛風前起虛舟
鳥外浮詩成聊遣興酒罷轉多憂鰲石千秋
意何時泛海遊

其三

樂羊違畫省日日讀南華松落黃金藥梅開

白玉花海門春不斷
蘿徑月還賒
漠漠烟林外
飛樓競暮鴉

奉畚林素翁大司寇 五首

忽得隋珠重相望
隴樹深青山仍舊
業白日
是初心竹色濃
侵坐泉聲細
繞琴碧蘿休
蔓路黃紙定相尋

其二

臺閣望彌切
宮牆道已深
想應憂國淚不減
愛山心獨寫
黃花句誰聆
素月琴木蘭烟水
棹肯許及春尋

其三

入門猿鶴舊
觀世鬢毛新
杖屨宜親月中袍
不受塵清風高
栗里紫氣望
楓宸謝傳東
山卧寧忘四海民

其四

八座歸何早
千山興不窮
鳳飛寧在網
蛇影尚疑弓
禮數朝廷舊
悲歌國士風
執鞭吾豈敢
日望水雲東

其五

憶接 彤墀步蹉跎四五年
宮雲承旭日苑樹拂晴烟
暫息擎天手歸耕種石田
斯文千古事述作定須編

畚陳明水年兄謫戍閩中過河上左野服過雲居東曹舊大夫寧為天外鴈不作水中鳧草木川原改漁樵歲月迂戈矛寒日淨萬里快鵬圖

和湖西

早辭南省珮旋結野人廬
真欲吞雲夢非甘卧孟諸
松風高枕入水月一亭虛
近得平嵩問湖西有報書

和旗峰

忽領停雲句真紆舊雨思
尚懷初夏會又是暮秋期
時事堪杯酒幽居且奕碁
知君清廟器莫戀故山芝

懷思

不見

不見崆峒久高賢世共哀遭誣江海去絕出
古今才白日翻琴譜青山送酒盃烟蘿深僻
地只許鶴飛來

懷平嵩用東禪雨中韻

明月照高樹浮雲何意陰頻令厭軒冕不是
好山林得句雨中寺懷人谷口音願分青石
榻留我待秋尋

懷方巖

近得西江鯉相思愁復多長篇留錦字良月
正松蘿薄俗深防面高懷且放歌飄萍從宦
海白髮更如何

行役

阻馬灘次思泉叔韻

舊異黃牛峽今知白馬灘晴雷轟地上飛浪
蹴雲間客思時看水愁顏只對山萬方行路
險不覺泪潛潛

玉山分司勁節亭作

落日停車處欣然遇此君高枝巢白鳳密葉

接蒼雲只作虛心慣真能勁節分勞勞塵俗
客聊爾揖清氛

十三夜揚州對月

今夜揚州月凭闌獨自看銀河初掩映桂闌
極高寒清影虛無地光輪曷未安親庭何處
所愁思轉艱難

十四夜月

今夜揚州月清光已勝前遙升滄海外先到
客亭邊雲度同飄忽風來一灑然細瞻金粟

影猶少半分圓

十五夜無月

今夜揚州月浮雲滿太清人心知盛滿天意
自分明不見金波影虛聞玉兔聲姮娥如避
客幽獨太無情

閒適

和友人遊平臺

白日低岩樹青霞近水樓竹烟晴不濕山色
遠如浮鼓吹喧臺上旌旄到海頭慚無陶謝

手述作共清遊

秋懷次思泉叔韻 二首

露下烟沙淨潮平夕浪回杖藜還看雨對竹
且啣盃白鴈人千里黃花秋滿臺共尋形外
樂詩舫肯頻來

其二

叢菊高秋思西風客子情鹿眠三徑石鶴振
九臯聲山晚霜鐘動江寒錦樹明滄洲堪笑
傲不是欲逃名

秋思 三首

清霜激園木萬葉盡秋聲風前蕙草晚月下
莎雞鳴對酒蒼雲落彈琴白髮生關山看不
極北鴈故南征

其二

殘霞明近水獨鳥去遙天白鷺寒沙外丹楓
夕照邊曠懷頻引睇靜境且高眠試問荀文
若何如靖節賢

其三

溪月寒仍照汀花晝自閒湖邊雲散盡海上
鶴飛還壁掛雙龍劍門高五虎山夜深瞻北
極紫氣滿函關

畏人

畏人成小隱獨卧聽鷄啼海闊魚龍宿山高
星月低未妨親藥裹常自抱雲棲驥驥休辭
病秋風萬里蹄

夜

種竹瓊河滿開軒素月輝時連六鰲釣坐見
孤鴻飛霞影天河直垂吟砌草微商歌夜難
寐白露下松扉

夏日山庄

解綬依青野誅茅卧白雲即知山水債無忝
鷺鷗群病驥長思秣孤絃不易聞所嗟成老
醜何以事明君

山林

喜遂山林願休疑木石居 聖恩真廣大吾
道未迂踈江水鷗群靜烟霞海色虛放舟尋

酒伴同釣碧溪魚

登覽

夏日遊西園

炎方初試暑春服已裁羅輕箠時相向名園
客暫過路分陶令柳池引右軍鷺為憶幽人
趣長空發浩歌

遊慈恩寺 二首

平臨高閣上徙倚眺斜暉野樹蒼烟合春田
白鳥飛幽懷吟不盡佛法轉相依薄暮同騎

馬沙陰十里歸

其二

海印知名寺茲晨得勝遊烟光春水動鳥影
夕陽收御史青驄馬山人紫綺裘都將百年
興瀟灑一登樓

登馮虛閣

馮虛高閣上一半夕陽開玉殿雲霞入鍾山
紫翠來秋聲落岩樹暑氣盡江臺杯酒登臨
興絃歌雜沓催

時序

除夕次朱青岡太守韻

冉冉歲云盡輝輝春不遲寸心丘壑靜萬事
水雲馳爆竹聊茲夕屠蘇又一時閉門棲息
穩只有鶴琴知

悲悼

讀鄭詩哭少谷子

人今無少谷天意竟難文白壁沉滄海青山
空暮雲湖邊楊子宅江上仲舒墳讀罷新詩
刻黯然倍憶君

林榕江先生集卷第六

林榕江先生集卷第七

不肖男世璧編梓

五言律詩五十首

大禮

禱雨省中齋居 二首

北闕申 皇命南宮戒直廬篆烟凝素几
午夜對丹書草木悲原野雲霓望太虛
桑林千古意宵旰切宸居

其二

王政惟民食臣躬荷 帝慈齋心惕終夕膏
雨定如期白晝風霾起 西山雲霧遲商羊何
不見只自舞肥遺

送別

送太宰建寧揚公赴 闕

鎖鑰綏南服儀刑統百寮 三年趨 殿陛千
里動旌旄 帝座紅雲繞台衡 北斗高定知
前席罷留輔中興朝

送林天芳僉憲遷任之楚

野曠蟬聲碎江清樹色開 出城探古寺下馬
別深杯 祠部仙郎去湖湘憲使來 風雷撼山
岳雨露遍蒿萊

送桂節推近菴赴 闕

三年持玉節萬里覲 彤樓問政春棠樹明
刑璧月秋荷風浮別酒江雨送行舟 童叟饒
歌頌相將擁道周

題贈

次韻贈朱青岡太守郊行

聞得農人語，鶯花未足憐。
夕陽牛背笛，春雨郭東田。
政簡官如水，時豐俗自便。
村村鳴社鼓，歡喜說今年。

蘭詩壽人

玉砌光風轉，秋池湛露懸。
映庭含紫色，入室照華筵。
紉佩開香徑，同心獻壽篇。
彤霞蕪翠羽，芳潔自年年。

贈莊石山次韻

泉南才子國，雄傑幾如君。
持贈明珠句，依稀白雪聞。
天花粲八石，霞袂拂三雲。
薇省稱仙吏，清時策異勳。

平叅倡和次韻贈蔡半洲司馬二首

虎旅玉門道，龍韜炎海涯。
野清風掃葉，笛奏月團沙。
露布馳天闕，寒星傍使車。
卿雲今燦爛，舜日共光華。

其二

鐵騎風雷肅，緋袍霧雨侵。
登壇戈日淨，橫海陣雲深。
相業長城地，雄圖卷甲心。
瓊崖三奏

捷瀘水七成禽

寄簡

讀張太微集簡犀浦方伯

高人西浦使貽我太微詩萬里憐同病何時
共酒卮江城木葉下海日鴈聲遲坐想杜陵
曲雲霞滿洞垂

不見簡平嵩

不見平嵩子荒村獨嘯歌華軒應出郭高論
想懸河竹霧經花濕山雲隔水多隣家新釀
熟同醉意如何

訓禽

禽洞陽顧年兄

愛爾洞陽子高風我不如時來青玉案况領
紫泥書鳴鶴下寒木浮雲過太虛只今瓊海
上雨露雪霜餘

禽皇甫華陽山人二首

故人入我夢沉鯉動經年羨爾停雲句知吾
枕石眠烟迷吳苑樹月散虎丘筵騰達春風

去翱翔尺五天

其二

為憶華陽客秋風幾曲琴鷗邊山水調霞外
鴈鴻心謂我冥棲久相期悟道深君家今萬
石伯叔盡華簪

畬張夏山寄應石門

憶與石門別長安逼歲除那知滄海上重得
白雲書鴈足天何遠梅花月有餘悠悠同病
客勿漫嘆居諸

畬霞居山人

我愛霞居子尋春過水雲幽花開滿樹逸鷺
自高群把釣滄浪石留題白練裙松風吹酒
醒江上已斜曛

畬武陵陳高吾亞卿見寄

林丘司馬去巾屨及春幽樹密交泉響湖深
帶月流栽松來鶴卧得句向僧酬早晚徵書
下東山不可留

入春苦雨穀日稍晴忽湖西張子有

詩來簡遂次韻會之二首

積雨掩荆扉初晴靄翠微林鳩驅婦去江鴈
背人飛細草薰平麓殘霞帶落暉無因共登
眺携杖賞心違

其二

穀辰微雨歇春事漸芳鮮上粟占新歲看雲
勝去年林開烟色重江近水聲喧誰識王摩
詰愁時與病兼

和龍會山人

故人丹嶠外貽我白雲書想見烟霞色聲迴
松竹居飛騰千古意蕭颯晚秋餘極目寒波
上清光炯自如

謝丁戊山人過草堂

閉戶經時久蒼苔滿徑深高人忽枉駕濁酒
共開襟鶴卧江沙淨雲移野樹陰嗟余山水
癖喜子話同心

方筆山侍御賞菊留題次韻

上客乘驄馬山人玩菊叢且拚一日醉誰是

百年翁露葉翻蕉外霜花落盞中留題清句
在霞彩射茆蓬

和林雲山龔雲岡過春風堂談詩

竹月流寒沼松颺響遠林看山移席近對酒
坐雲深詩法千秋感朋情四海心瑤琴試一
鼓誰識子期音

將赴闕次肖泉叔贈行韻

天闕頒新詔山人拂舊冠敢言逢薦出真
是報恩難楓葉秋霜醉溪聲夜雨寒只愁林
壑相不入鳳池翰

行役

過白沙

倚岸青迴竹郵亭白擁沙江流逢石怒樹影
帶溪斜百丈牽烟浪孤城起暮笳白雲親舍
近隱約萬山遮

宿延平

昔聞有神劍埋彩此溪濤今日停艦望山高
溪水深張公空浩歎雷令豈能尋紫氣噓牛

斗千年鬱不沉

人日渡江

進艇春江好微風浪自閒開簾低白鷺改席
過金山北闕 天王命南宮仙吏班昔賢多
祿隱吾道未應艱

閒適

已亥中秋三更月出次李五石侍御
韻 三首有叙

叙曰已亥中秋夜無月三鼓皎月如

鏡織雲不起顧詩興索然遂已就寢
明旦大巡五石有詩因次韻畲之

風露淒淒暗星河淙淙悠空青遲玉鏡員景
闕瓊樓笛響江城斷燈光竹屋浮清輝終萬
里偏傍使君軒

其二

山中多種菊海上漫乘槎不見石臺月虛傳
金粟花鶴園堆亂葉螢草閃平沙莫歎關河
迥乾坤到處家

其三

北斗開玄霧，銀蟾上碧空。
曲闌花泣露，深樹鵲驚風。
天意明生晦，人心塞自通。
百年今夜月，長照酒舡中。

月詠十四首

璧水明鵲鵲，金波麗鳳皇。
一輪雲綉彩，千里樹青蒼。
滿逐山河淡，光流湖海長。
西園垂白露，有酒正盈觴。

其二

亭亭升海外，隱隱傍山家。
玉鏡懸珠箔，白鸞乘紫霞。
沙明如顧兔，桂長欲開花。
永夜高樓上，徘徊一歎嗟。

其三

仙足初生桂，堯階自落蓂。
揮盃應有象，酌斗願無醒。
伴藥蟾難老，歡歌鳳不停。
霓裳羽衣曲，繁切不堪聽。

其四

新月佳人影，婆娑度此宵。
橫眉分黛淺，掛鏡

隔雲嬌碎玉澄隨岸排山暗駕潮玳梁九華
殿應費沈郎謠

其五

不緣修月手誰入廣寒宮玉兔千年藥金波
萬里風瑞雲河漢側香霧桂花中一去人間
別瑤臺何日逢

其六

烟靄揮難盡冰輪只自明一吟湖海興轉見
古今情茶竈幽堪煑沙田白可耕孤琴伴雙
鶴林壑有餘清

其七

日月催吾老關山憶昔賢青楓江外水白兔
草中泉濯霧輝仍苦明河賦已傳長安天萬
里北望夜無眠

其八

既已輝千里胡為印一池輪應行碣石蟾正
照峨眉草風蛩自語松露鶴先知明夜還如
此休教雨似絲

其九

瓊島遲生月
梧園取次看
潛蚪千水動
宿鳥一枝安
桂闕渺焉望
瑤臺高且寒
團團孤石影
轉映百花闌

其十

出沼芙蓉水
綠堤絲柳傍
露灑瑤席滿
月淨玉琴張
不寐天何遠
無言夜更長
素娥敲藥杵
星斗迥蒼蒼

其十一

月色嬋娟正
雲光散漫飛
鳧雛眠竹石
鶴子啄苔衣
蘿逕輝清影
花簾靄素輝
流風颯飄雪
不夢洛濱妃

其十二

三更山吐月
照我鬢星星
戒酒辭涓滴
搜詩入杳冥
春深常棣館
花重壽萱亭
一派雲中樂
仙韶得細聽

其十三

夜靜催銅箭
簾虛掛玉鉤
春深吾獨賞
野僻

世何求圓景雖遲出高臺覺更幽群星恐相
妬宛宛度瓊樓

其十四

銀兔何方出瓊樓思不禁朗然天漢上誰使
客星侵丹壑書堪讀滄洲鏡未沉香風飄鳳
吹悵望五雲深

登覽

和朱青岡太守出南郭

歲月奔忙甚山花取次妍湖平魚躍浪溪靜
竹浮烟露冕行青野鳴琴對碧泉徵求貧到
骨應為一潸然

鼓山次龔雲岡太史同方筆山侍御

作二首

携壺凌絕巘觀海共佳辰澗花折行酒山鳥
鳴向人禪榻松雲畔漁舟野水濱登高助詩
興得句益清新

其二

樓臺何突兀江日動寒茫揮筆時凌嶽驅車

一省方苔搖層石翠芝裊瑞雲黃靈羽書難
寄回瞻仙路長

登鼓山次張東沙韻 二首

海色連郊甸秋聲落澗阿孤峰上雲日萬井
俯星羅草密蒼龍洞江迴白雪波幽人倚雙
樹擊石發清歌

其二

石鼓名山好峯高日吐雲日窮三島遠歌落
九天聞黃菊杯初把紅塵俗自紛巖棲同草
木何羨鷺鷗群

五言排律四首

送別

送廖越坡守海州十七韻

禁樹晚生烟離人悵別筵一麾東海守三絕
越坡仙揮手輕千里相逢又隔年雲深蘿薜
地江靜夕陽天 宸極興 王政丘岩起俊
賢彙征聊復爾昌合豈徒然舟楫來深省瘡
痍解倒懸日高丹闕曉鴉散玉墀鞭趨杖隨

雍遜歸曹幸接聯好懷開寤寐嘉晤得周旋
激慰空餘恨踈庸益自憐蕭蕭行李去汨汨
仕途遷五馬郎君貴專城刺史權盡心勞撫
字微力效塵消卧治汲長孺能名黃穎川佇
看雙鳳詔飛下 漢廷前

題贈

薰風亭為揚瑞虹司馬賦

亭子依丹嶂薰風滿碧林偶然真境合相對
百花深棟濕茶烟集牖虛竹霧侵殘霞宜晚

照孤月正遙岑贊翊猶多寄端居却自臨扁
舟湖海意白髮 廟堂心輝赫常殊衆靈源
妙至今神姿千里駿逸翻九臯禽皓羽揮團
扇朱絃緼素琴能同虞舜調不識子期音汨
汨群生急泠泠太古尋袞衣緝 明主玉燭
慰叅黔康濟湏公久文章作世欽高明浮北
斗宦業列官箴司馬才猷盛清卿德望任甘
羊歸省闈四海倚甘霖石上南州榻懷中楚
國琛坐忘同浩渺展眺入蕭森繼道能登岸

通家雅盍簪媿非受簡客聊附越人吟

壽東塘鄧令尹母八十

紫鳳來南海丹丘近北堂花盃行玉露錦瑟
舞霓裳禮重藩卽宴名傳孟母芳三山瞻寶
婺百里盡甘棠苦節冰霜久承歡日月長貞
松秋色迥慈竹午雲涼鶴髮膺純嘏鴻恩下
寵光青霞時結佩翠羽儼成行蓬嶠群仙集
瑤池樂事常野農隨父老願上闕宮章

行役

渡揚子江十六韻

揚子江頭水勞勞又買舟淡雲橫岸樹碧草
露沙洲日射明波闊風懸正席遊東南當巨
勝吳楚隔中流到海岷川水環京古潤州蛟
龍時出沒鳧鷖對沉浮孤嶂金山寺層城鐵
甕樓早潮平過石踈雨暗生秋征伐飛龍
旆巡行在鳳丘雉經吁邑吏虎視駭諸侯賈
誼那能哭張衡不解愁錦帆溪月滿玉殿野
花幽忠鯁人遷謫奸雄世效尤鷓鴣遠舊旅

蘭芷憶靈脩
泉石丹心苦
消塵白髮謀
含悽烟靄外
愧殺水邊鷗

林榕江先生集卷第七

林榕江先生集卷第八

不肖男世璧編梓

七言律詩四十二首

大禮

元日 朝回

紫城鐘鼓肅朝儀
暝色猶瞻赤羽旗
鷄唱尚聞高閣語
履端初聽御堦詞
簫韶彷彿來天近
環珮從容出殿遲
燈火滿街歸馬去
客牕還寫白雲詩

駕旋志喜和林平崖

戰伐龍旌江上旋風雲喜色滿山川 九重
宮闕丹霄麗萬里烟塵白日懸遂有饒歌輕
汗馬擬將恩惠到顛連挽捨夜掃千年變禾
黍春深四野田

送別

送張都憲還敬亭

草堂長對敬亭山千古高人可共攀落日微
風烟鳥去一江寒雨海潮還麻姑壇下花爭
放太白磯頭蘚自斑解組中丞行樂地時懸
飛夢 紫宸班

送黃道卿戶部引疾南還

夢魂千里綵衣歸耐可扁舟別 帝畿江上
秋風黃鶴去海邊春日白雲飛幽亭細草常
看雨落木空山自采薇我亦明年辦行色武
夷重掃釣魚磯

送張希文還閩兼簡乃弟明卿

鳳皇歸去鳳臺遊五色琅玕十二洲白日烟

開雲影淡青山鳥下水聲流疎疎涼雨新荷
夕采采西風老桂秋不道季方寥廓甚春來
詩夢共江樓

送仰泉叔還閩

鷄鳴山閣眺王畿惜別張筵坐翠微城外峯
巒秋日淨江邊鴻鴈白雲飛音書夢寐三年
遠燈火天涯幾夕歸共待竹林攀桂客來遊
重過謝公磯

送白鴻臚徵夫還朝

皇華海上傳天語丹荔陰中駐使車執法
先朝聞太保

廉敏司寇
公之孫

清才今日見鴻臚蠻

烟瘴雨三秋近朔雪炎風萬里餘抱病山人
離合感江亭搔首重躊躇

送鄭東溟太守

九月風高鴻鴈群亂山寒水落秋雲赤霄五
馬行車轂白日雙龍動劍紋木葉沙頭離思
杳蘋花江上客愁分野人洗耳滄洲曲靜聽
清時策異勳

送林旗峰之白下

十年不見旗峯面官街今喜得叅軍青尊共
對花前兩白髮愁看海上雲臺遠鳳皇應自
愛秋來鴻鴈好相聞煩君問訊平蒿子潦倒
余安麋鹿群

留別

乙酉春二月廿四日余以南京儀制
郎中乞告還山同寅諸公錢清涼寺
留別

諸公袞袞上清涼惜別相看更舉觴多病廿
違鶴鳳侶野心先赴水雲鄉竹分山色圍禪
榻鳥雜春聲到客堂明日扁舟過江去秣陵
烟樹正蒼蒼

題贈

南隱為葉小厓題

南郭草堂何所求陰陰萬木烟霞浮白鳥高
飛江色遠青天不動雲影流筆床茶竈隨蘭
舫蕙帶荷衣對海鷗鳳毛還擬冲霄去小隱

無妨卧一丘

贈徐少湖太史

玉堂仙客下瀛洲，共倚閩南百尺樓。
太史不題鸚鵡賦，山人時與庶麋遊。
劍凌北斗青溪合，鴈入黃雲紫塞愁。
酒罷更登鼇頂望，滄江落日野烟浮。

和贈端峰邵叅伯

湖色秋聲碧靄深，海濱桃李已成陰。
紫薇宿雨雲千樹，白鶴高風月一林。
藻句池邊宜對菊，驪歌江上共鳴琴。
公車伊洛經新地，莫惜雙魚寄好音。

贈馬師山還莆中

有客來登石鼓山，采藥歸應鍊九還。
寂寞道心雲與淨，峻嶒僊骨鶴同攀。
山中薜荔清風遠，海上烟霞白日閒。
咫尺瓊河棲息地，抱琴先叩菊松關。

寄簡

和平嵩蕪簡半洲

靈源新約雨初晴共泛洪江彩鷁輕白髮相
知天下少青山無數日邊明經年木榻松雲
滿一夜柴門春水生欲訪半洲江上去薜蘿
深處踏花行

和見素大司寇寄舒梓溪狀元

江上浮雲眼自看悠悠行路信今難我從南
海聞鄒浩誰向中朝起謝安鳳閣文章真
獨步鶴林風露足餘餐一峯亭子原無恙坐
對三山白日寒

訓會

和會客部孫性甫年兄贈別

春明雨過滿蒼苔送客殷勤更舉杯踈嬾我
宜居白下清光君稱近蓬萊看雲寺裏人初
散並馬江頭首重迴日暮聊應歌伐木滿天
風露更徘徊

會鄭少白楚中見贈

湖月峯雲不用招相違數載羽書寥丹楓白
鴈三秋近黃鶴翠屏千里遙自醉壺中真液

酒猶熈樹上有聲瓢江籬采采應難寄霄漢
知君事業迢

行役

芊江發舟次王石沙大巡贈行韻

江水灘風愁客心青霞紅樹落離襟廿年雲
卧逢時出萬里天恩與海深竹葉烟汀留
晚醉梅花玉笛盡秋吟綵衣夜夜蘭舟夢常
望飛鴻送好音

宿茶洋

燈火高崖夜未央扁舟飄泊又茶洋
外烟霜肅欵乃歌中山水長敢謂謝安因薦
起自緣徐孺欠深藏平生萬卷匡時畧終愧
無能獻廟廊

十二月廿八日至常州郡守張行吾
留居王氏水西閒止堂明日立春

何人半隱聚星堂閒止應慚客子忙信宿水
西真泛宅攜家江上類吾鄉紅梅當檻猶含
凍翠竹窺簷自帶香五馬忽來郊外路春回

青野日初長

詠懷

三月朔夜直懷同寅徐子伯和

南宮不見徐夫子清夜行陞北斗斜人靜
磬聲沉鶴夢愁窺酒醖閣春花躑危日月時多
異眺望風塵感獨賒叢桂誰能招隱去小山
重整舊烟霞

歲晚言懷次朱青岡太守

乾坤遠業悲身病風雨空山又歲殘紅樹乍
驚霜信早滄洲坐對海天寬竹從野老看雲
徑藥乞鄰僧種石闌朔鴈數聲江上至高樓
日日望長安

閒適

過袁佩蘭合芳亭

合芳亭子秋雲深角巾藜杖來遠尋階下一
鶴羽毛整門前五柳枝柯陰扁舟湖海捐朱
紱短笛滄浪愜素心明月清風他自好高山
流水為誰吟

河上

河上舟航亦不惡一枝棲息十年餘
清秋海色飛鴻鴈落日山深叫鷓鴣
西閣琴尊淹錦里北牕枕簟到華胥
野人自分生涯足黃帽青鞵看打魚

秋日和江午坡

秋風白髮不禁梳野况蕭然木石居
傳得羨松霞外訣新成相鶴枕中書
江楓散雨孤亭靜海鴈衝雲萬里舒
病客只緣詩思渴瑤瑤篇欲和愧相如

春風堂賞芍藥

紅藥階前手自攀春深湖海一為歡
濃雲偏助丹霞藥豪客初行白玉盤
韓老風流山閣賞謝郎高詠鳳池看
文淵舊植知何似西苑今傳百寶闌

遊讌

飲高文溪靈山草堂二首

文溪夙抱烟霞癖別業新開山水竒
洞口僊

人騎白鹿峰前童子采青芝晴雲傍石斜依
戶春水穿花細入池萬卷悠然堪習靜紅塵
車馬任奔馳

其二

芝山草堂梧竹深春風酌客開青林窈窕徑
中聽黃鳥逍遙石上鳴素琴霧雨時時侵獨
坐雲霞片片助高吟歌罷滄浪迴白首鷓鴣
鷓鴣滿江潯

東禪同黃致齋馬師山讌集分韻得

山字

出門蒼霧滿晴山倚杖遙空獨鶴還湖海同
袍欣聚會雲霄萬里迥難攀松風細寫瑤壇
靜澗水斜穿玉洞閒把酒譚玄忘日夕泠泠
鐘磬掩蘿關

夏日讌集鄭湖峰草堂

偶從僊客話忘機坐俯鷓鴣舊釣磯細柳烟
輕江燕舞孤城山遶海雲飛湖光似鏡堪留
月草色如茵欲染衣白鶴翩翩三島上清風

美爾早來歸

午日芝山雅集次湖西文溪韻

方外尋幽白玉簪
松風荷雨坐來深
無數芝生池上下一雙鶴
舞庭中心綵舟楫並江迴
浪鼉鼓聲沉月在林
薄暮忽聞羗管奏梅花
零落滿衣襟

秋日飲湖西正氣樓次雲岡韻

張燈開宴湖水頭
山光蒼翠瀟瀟西樓香風倚
芟臨池好野色松篁帶雨幽
肅肅三花雲倚樹迢迢一鴈江
橫秋慚余醉甚虛良會載酒
重尋竟日留

登覽

秋祀登瑞跡絕頂

突兀層峰古樹齊
穿雲遙見海門西
丹楓露下青丘近
白鶴風高紅日低
牧子前村漫吹笛
山人何處來
杖藜松楸掃罷
偏增感烟火
空林一鳥啼

遊鼓山次雲岡韻

野迥溪山開石鼓塔高佛日見珠林霏微洞
草青隨屐縹緲松烟翠滿襟蘭舫苔磯鷗共
我天風海水古猶今醉來更倚昆盧閣玉澗
飛泉下碧岑

秋集平遠臺次江午坡韻

黃菊碧梧分素秋東山猿鶴思悠悠白日俄
驚木葉下滄洲忽起烟波愁亂石清泉圍野
舫落霞孤鶩映江樓槿園回首荷亭會又見
梅花池上頭

登洪江妙峰

洪塘江上妙高峯古刹棲雲紫翠重巖石驅
車時拂燕松蘿把酒忽聞鐘天邊有客曾騎
鳳海畔何人是卧龍十七年來聯句在山樓
如夢歎萍蹤

和包蒙泉侍御遊九仙觀

紺殿高標滄海近玉旌遙下白雲開空山霜
日寒楓靜萬里烟沙朔雁來錦瑟清風傳逸
響金莖涼露瀉餘杯鳴陽早見高岡鳳倚馬

誰當作賦材

懷古

維揚懷古

獨宿維揚感慨多樓船千艘下長河隋家舊
事多巡幸陳主新聲奈若何鳥下綠蕪春寂
寞月明江水夜悲歌長堤回首村烟起一笛
清風生白波

平山懷古次韻

聚景湖山作意遊誰知閩海有平丘百年社
稷三春夢萬里風濤一葉舟落日鼓鼙寒不
起中原草木慘多讐至今遺恨江心水石激
潮聲夜夜流

時序

除夜感懷

日暮長安多北風客懷偏感此宵中不愁闕
寂無盃酒且喜音書有鴈鴻守歲始知遊子
館習儀重到羽人宮夢窺梅蕊垂垂白坐對
燈花故故紅

和包蒙泉觀競渡

青山地轉孤臺峻白浪天高一鳥騫江上鳳
簫催蓋竿日邊龍楫下旌旃木蘭戶艾猶湘
水白鷺黃鸝自輞川控海樓前竒賞罷共留
雄藻記今年

林榕江先生集卷第八

林榕江先生集卷第九

不肖男世璧編梓

七言律詩四十一首

大禮

二月廿九日 昭聖太后壽辰午門
賜百官食麵

鳴鴉新柳曙光分閭闔門開劍珮聞慶洽宮
闈天作壽 恩頒殿陛酒初醺瑤池今結蟠
桃實粉署重來鷺羽群遙望 袞衣明旭日

載歌湛露立春雲

三月策進士供事 內廷作

彤廷鵠立俊髦多禮樂 明時漢策科瑞霧
輕浮垣竹影祥雲遙映液池波蒼龍闕下金
書榜白玉堂前鳳入羅日食大官無寸補南
宮慚愧詠菁莪

送別

送貞文弟省侍金陵

余父時任
南都兵侍

別筵譚咲看吳鉤袖裏寒光射斗牛繼志一

上應力學寧親千里豈遨遊鶴鷄沙晚行相
喚鴻鴈天清影並投拜罷高堂煩報語看雲
江上正登樓

送王兩洲方伯進表之京

環珮含香太乙壇紫薇堂上暫棲鸞琅函萬
里穿雲去金鑑千秋向日看倚棹先從烏石
別趨庭應盡綵衣歡多君柱石登 廊廟病
子江湖把釣竿

送宋滸山方伯擢鄖陽中丞

樓船遙下洞庭水，節鉞平臨峴首山。
帝命中丞來撫治，人歌方伯去難攀。
蓮開池閣香風遠，鶴卧汀沙細草斑。
郊外別筵喧鼓吹，旌旄閃閃綵雲間。

送張浮峯

白龍洲前江水深，新結茅堂傍石林。
落日相看鷺鶴去，孤帆穩趁木蘭陰。
青天削玉浮峯遠，瑤草開雲拄杖尋。
見爾元方應大咲，山人今已遂投簪。

送田西麓憲長赴關

別酒荷亭注滿甌，看花猶憶曲江遊。
紫薇暫出三山道，青瑣曾修五鳳樓。
雀舫又分烏石雨，鷺車先到錦城秋。
五陵年少君騰達，廊廟從容未白頭。

送楊蘭石吏部之白下

劍光亭子碧山隈，送客題詩更舉杯。
漁父弄舟滄海曲，仙郎搖珮鳳皇臺。
秣陵紫殿晴雲繞，婺水春帆細雨來。
大雅文章稱瑞世，干霄

松栢是真材

送天宇姪之保昌省親就上春官

吾家丹穴鳳毛文知女才名迥不群
津閣愁看春雨別江帆醉向晚潮分
趨庭綵袖三花樹獻闕琅玕五色雲
榕野山人今老大消埃無地報明君

送朱雙松行恕還闕

九仙烏石碧雲飛越王劍池秋月輝
有時酌酒對金粟正好攜琴上翠微
錦帆覽勝吳山過壁水觀光帝里歸
江海釣徒如問我愧將簪紱改荷衣

題贈

仲松泉都閩移疾西郊作

誰向紅塵少息肩
急流勇退即神仙
柳營虎帳休金甲
碧水丹山放釣船
萬里閒雲飛野鶴
小亭明月對冰絃
聖朝老將難終棄
疋馬還驅紫塞烟

贈雲岡太史

春風亭子萬梅開，共對梅花記別杯。
綵筆詩留白鶴圃，玉堂人遠黃金臺。
鳳池退食台衡望，虎觀繙書良史材。
却愧絲蘿喬木下，好憑鴻鴈越江來。

贈陳少溪次王十山韻

春草纖纖舊論文，荷花時節又逢君。
山中薜荔秋垂月，溪上鳧鷖日傍雲。
染翰王維稱二絕，灌園陳仲自超群。
蓬萊閣下遷居近，曲徑深松客打門。

贈建安尹陳石陽

牙樯錦纜武夷來，鶴洞虹橋共舉杯。
棠樹清風栽建浦，桃花流水失天台。
談詩自擘金鴉海，作賦誰登銅雀臺。
玉珮會趨三殿曉，仙鳧應向五雲迴。

飲丹桂堂贈夏桂洲相公

堂開綠野竹陰涼，門對靈峰雲霧蒼。
四海先憂勞補袞，百年後樂付盈觴。
山巖竒石分龍虎，桂葉中洲隱鳳皇。
錦字瑤篇真並美，蘭階

玉樹定生光

寄簡

寄西嶼揚公

西嶼丈人建水涯詩筒碁局度年華溪上看
山綠玉杖籬邊把酒黃金花豸袍往日論經
濟鶡冠于今避俗譁九曲漁磯新卜築登龍
肯許玩青霞

訓禽

和會祝篁溪大叅見寄

秋風海嶠下玄鶴日暮江東多白雲蘭省芝
堂曾共我鷺車駟馬幾如君十年獨坐理詩
草萬里能忘獻野芹椽筆昔留河上賦文光
宛似錦霞分

謝陳介泉方伯見過

薇垣仙客乘車過石徑春風偶共攀急雨翻
從滄海至奇花多占水亭閒杖藜看鶴暮雲
紫對竹題詩秋蘚斑讀罷梁園西雪句甘棠
他日在閩山

行役

乙巳七月廿四日起復之京芋江發
舟作

江雲秋映萬山開
畫鷁潮生碧浪來
親壽雅宜丹棘圃
君恩難報黃金臺
夕陽野寺還題句
楓葉溪樓更舉杯
三十年來揚執戟
爲誰華髮鏡中催

玉山公館和我泉韻

錦帆江上喜初晴
懷玉山前一問程
青竹倚空還信宿
白雲回首更關情
忽逢佳客烟霞侶
傳得新篇金石聲
欲寫秋容還獨坐
滿階寒葉亂蛩鳴

詠懷

河上期松澗慕泉不至

一樹薇花紅倚牆
連娟白鷺衝烟蒼
坐來把釣獨臨水
睡起攤書忽滿牀
久雨將軍期不至
抱琴客子空相望
却無夜雪山陰興
夢落江雲萬里長

省中秋懷和少峰 辛丑秋作

凍雲拖雨送殘秋，吏散公庭獨坐幽。
朔鴈城砧並秋響，狼烟羗笛迤邐愁。
松陰白鶴風還起，石畔黃花晚故稠。
寮友喜看鄉語便，仙曹端為美人留。

初至京和肖泉叔韻 乙巳冬作

金門待漏雲邊啓，畫舫衝寒江上來。
浪跡又騎沙苑馬，澆愁且盡竹林杯。
青山久抱傳經志，白髮慚非作賦才。
閩海燕關天萬里，歸心常為夢魂催。

閒適

山庄課農春興

一室青山學養慵，喜拋簪紱得歸農。
十年湖海悲萍跡，此日烟霞愧病容。
水面鳧鷖春拍拍，樓前梧竹翠重重。
瑤琴撫罷無人聽，香篆燒殘月在松。

和王石沙武夷韻 二首

望海旌幢行近日，憑空衣袂澹生雲。
精舍千

年紫陽叟慢亭何處武夷君
若花洞草開無數汀鷺沙鷗
自一群乘槎江上漁樵客
擬傍蒼屏采碧芬

其二

穿雲小艇上迴溪
竹霧松風路欲迷
峯頂紫烟騎白鶴
洞門黃木叫金鷄
何人燒藥仍留竈
有客尋詩獨杖藜
驄馬遙臨山改色
烟嵐一洗露丹梯

遊讌

鼇峯雅集同曾白潭王兩洲張夏山
姜侑溪張圭山謝果菴胡承庵諸年
兄作

皆翠亭深山作園萬松雲日淨
暉暉新荷出水葉猶短啼鳥隔
林聲漸稀野堂雨逐烟霏至花
塢春隨詩句歸泛舟促席真嘉
會爛醉尊前何是非

飲仲闔帥宅賞牡丹

國花共賞將軍第
含咲佳人玉笛傍
翠羽微

風疑舞燕丹霞斜日倚沉香團雲不散搖山
慵瑞靄初疑滿客裳春盡江城半晴雨遊絲
飛絮為誰忙

和江午坡督學春日燈集

山鰲海月送春晴彷彿雲霄憶舊京琥珀濃
分鸚鵡盞芙蓉開遍鳳皇城風迴玉笛清歌
發樓倚冰壺徹夜明實喜鶯車花外駐更拈
新筆咏昇平

雨夜西園雅集

雨夜西園倒玉杯好懷湏向此時開烏山峭
壁千尋起綠竹清風幾道來曲岸亭臺烟掩
映小橋水木路縈迴燈前屢舞休辭醉雙鬢
那禁白髮催

和李五石包蒙泉二侍御讌集山堂

金竿旋傾桑落酒玉池新種夜明苔尚書辭
祿山中住御史分司天上來斧鉞省方輝北
斗巖廊曳履憶中台綵衣閣宴趨承地青筍
江魚懷抱開

秋日內弟鄭小湖宅觀荷讌集見其
子

紅荷盆沼簇盈盈碧水初浮玉露清想像霓
裳雲欲墮翩翩翠盖月初明傳杯真况三秋
景賭野風流一局情素石清香丹桂秀欣看
雛鳳羽毛成

登覽

登建州黃華山閣都聞方益齋周湖
臯請遊

高閣危闌徙倚初溪山縱目晚晴餘黃華開
盡三秋雨白鴈遙傳萬里書蘿壁泉聲宜對
酒松雲野色獨憑虛將軍好客兼文武花外
清歌更駐輿

遊杭州雲居寺次孫豐山年兄韻

憑虛樓閣諸天近入眼雲山兩度遊我愛竹
風鳴翠壁誰拈花雨散丹丘空林鐘磬烟中
發落日黿鼉江上浮此地若逢名勝集不揮
盃筯已無愁

蘇州登虎丘

海湧峯高紫霧開，倚岩重上讀書臺。
月亭石冷蒼苔滿，劍水風腥白虎來。
禪觀塔鳴山雨過，賞心泉靜夜燈迴。
醉尋千頃雲龕路，三十年前九日杯。

辛未之秋嘗登高千頃雲

武夷宿洞天別館

千峰削出玉芙蓉，鐵柱生雲滄海東。
漁艇花邊穿洞石，霞裾松下引天風。
丹崖翠壁虛無裏，白鳥青烟掩映中。
涼月滿山人不寐，却疑

身在藥珠宮

武夷泛舟九曲 二首

茅屋曾居憶此中，白雲滿地紫苔封。
月明水洞花千樹，鶴舞瑤臺山萬重。
一去紅塵迷客夢，偶來丹竈覓仙蹤。
佳人搖艇溪邊至，載酒同登玉女峰。

其二

雲龕天柱幾千年，玄鶴青蘿十里泉。
欲采金鷲岩下草，忽逢白鹿洞中仙。
酒杯正對香爐

月茶竈輕颺印石烟玉笈偶聞龍馬訣瑤琴
一鼓松風絃

懷古

淮陰侯祠次韻

解衣未報君王寵卷甲先酬漂母金豈但齊
人能相背一遊雲夢已猜心秋風高鳥良弓
盡白日愁雲苦戰深何事步庭中夜語至今
遺恨廟淮陰

時序

除夕舟中

客途寥落逢除夕回首高堂憶彩衣疎柳弄
烟春蕪蕪凍雲含雨晚霏霏溪山到處堪留
興日月驅人太劇飛椒酒難尋江上醉燭花
偏傍夜深輝

元日寓毘陵

極紅雲望九重履端遙下大明宮三
江舟楫初逢歲萬國冠裳共拜嵩詩句桃符
懷錦里石闌梅蕊正春風山堂新宴歌鐘動

應念遊人雪上鴻

七言排律二首

題贈

陳虛窓乃尊蒙菴僉憲先生壽詩

瑶空千里鶴飛來一望閩山壽域開
鳥外綵霞橫列嶂序中紫氣接三台
珠歌錦瑟兼龍笛玳席猩膏雜豹胎
義水遶門清徹底文峯當戶碧崔嵬
傳家賸有麟經筆擢第曾先南省
魁鐵面聲華珍比玉豸冠威望重如雷
嬾於塵壤驅車馬早乞林泉種菜梅
谷口看花紅雨亂沙邊踏月白鷗陪
他邦猶說甘棠政鄰叟常邀竹葉醅
泛艇閒登江寺閣抱琴時上夕陽臺
風吹老榦陶公柳露濕濃柯王氏
槐袍芡滿床占獨盛詩書奕世美
深培瞻雲太僕情無限時向孤南獻
百杯

壽夏桂洲國老

鳳皇閣對薇花靜龍虎峰環洲水長
仙樂遠飄忠禮院帝書昨下太師堂
身依柱石心

卷九
偏赤辛比松筠鬢未蒼斗北群星皆拱向
南五夜極輝芒中興相業山河盛吾道經傳
日月光桂露久樓千歲鶴荷風新入九霞觴
周公屢輟延賢士衛武惟勤誦抑章扈從覓
旌清蹕內宣呼彩殿細氈傍席前火棗堆盤
大海上蟠桃結實香蕪秩鱗衣趨劍珮平生
金薤盡琳琅種成瓊島三珠樹養就丹田五
色倉獻賦簪裾華國手獨慚草野遙鶴行

林榕江先生集卷第九

林榕江先生集卷第十

不肖男世璧編梓

五言絕句三十七首

題詠

題畫 二首

采菊南山下
花稀不盈把
醉眼看羲和
西飛疾於馬

其二

遠樹孤雲白
空江一鴈秋
夢回山葉下
落日

滿漁舟

金嶂樵歌

野人雲滿肩少歇青山下歌殘伐木篇不見
同心者

銀溪漁唱

溪水流不息漁舟何處來高歌寒葉下鷗鳥
晚烟開

題環谿桃花便面

不問玄都種武陵春自輝彩霞來鳳吹紅雨

濕魚磯

題野舟獨石卷

只對一片石相含萬古情坐看衣袂上時有
白雲生

雲頂山樓

山靜遍瑤草樓高對紫霞幽人騎鶴到明月
下梅花

題鷺鷥圖

秋聲滿蘆竹一鷺羽毛踈獨立寒塘水應知

不為魚

詠小山叔林園八景八首

三徑開城郭雙河抱屋廬豈謂園林小中藏

萬卷書

右小林園

其二

中園架北堂起舞明月高婆娑堦下花色映

紅錦袍

右宜萱堂

其三

小橋跨碧沼詩句往來成天上青雲落霏霏

足底生

右青雲橋

其四

麒麟出西野玄經繫朱紱誰識三千年又向

方池浴

右浴鱗池

其五

月下池波白風來柳樹青胸中洞無物何處

光霽亭

右光霽亭

其六

御峯嘯江雲甘泉鳴其下書舍正面之山光

入我戶

右如見處

其七

浴罷溫泉水徒倚庭中樹能知點也心方識

咏歸趣

右詠歸壇

其八

君子克己功猶如三軍勇吾翁有訓言暗室

日炯炯

右自過齋

詠懷

偶成 五首

美人在北海夢遠音書長寒風一鴈來淚下
沾衣裳

其二

竹光團野色月影帶江流何處笛聲起蕭蕭
鷓鴣秋

其三

灼灼桃李花顏色豈不好風雨滿空山零落
無人掃

其四

鳥影下寒沼琴聲破紫烟海風吹不斷石上
清冷泉

其五

雨花紅欲滴風葉翠能翻坐想鹿門子幽懷
不可言

閒適

白鶴巖和致齋

白鶴弄溪水松風吹羽翰半夜窺山月長鳴
王露寒

夏出瓊河經旬絕飲都無人事作河

上醒歌

十首

粟里非真醉三閭豈善醒醉醒俱不易江上
萬山青

其二

春伴桃花飲夏歌池水涼池上千竿竹清風
吹我裳

其三

五月水過屋六月風蕩田愁風復愁水農苦

是今年

其四

脫巾卧藤牀明月在高樹疑是玉壺冰
儵然不知暑

其五

昔賢騎白鹿芙蓉洞裏來鹿跡雖已湮
蓉花猶自開

其六

竹露晴還濕荷衣落更香手把伏羲圖
獨坐

古松傍

其七

江靜流雲轉亭虛夕霧多林深無人語
嬌鳥自來歌

其八

慣住瓊河上柴荆手自開晚霞隨鳥去
明月遂人來

其九

呼童掃松葉汲澗煮巖茶此時傾一盞
何必

酌流霞

其十

屏跡隨玄豹，忘機近白鷗。
不學張平子，閒居詠四愁。

偶成

雨過看花去，花深却忘歸。
不知苔徑滑，露下濕人衣。

訪丁戊山人，不遇，坐白屋口占。

白屋卧龍穩，清風舞鳳長。
主人何處所，獨坐

海雲涼

登覽

武夷雜詠 三首

幔亭峰

已借雲為幄，還將山作梯。
曾孫人老盡，花落鳥空啼。

仙槎峰

乘桴駕滄海，不省向山峩。
錦纜何年掛，西風吹碧蘿。

金雞洞

半夜沉雲黑四望山河杳洞中呀喔聲紅日
東方曉

七言絕句三十八首

大禮

早朝 三首

衛士森嚴虎豹關天街殘月劍光寒奔趨喜
動千官色烏雀休疑向日看

其二

燈火長安曉漏殘威儀不數漢衣冠中興禮
樂三王盛功業山河萬代看

其三

甘雨初隨玉輦來陽光正位午雲開都城乍
說人人喜章奏親聞一一裁

感述

感詠

金門玉陛齊鷓侶寶扇珠簾覲 綵眉雲卧
滄洲今白首自甘耕釣老清時

雜詩 四首

盈盈十五秦樓女，日日臨粧寶鏡眉。
嫁得襄陽輕薄婿，商舟西去動經時。

其二

鴛鴦池上開歌扇，翡翠盤中轉舞眉。
碧草盈盈琴罷響，誰知雙涕攬衣時。

其三

綠水盈盈花似洗，美人塘上照雙眉。
隔林忽唱采蓮曲，鷓鴣祥飛日暮時。

其四

渭水桑攀秦女手，春風柳拂魏宮眉。
青絲五馬彈箏去，白雪千門夢月時。

送別

別蔡半洲 二首

半洲花木共芳菲，綠樹青尊惜遠違。
明到武夷回首處，天南一片白雲飛。

其二

山人睡起花影深，客子別我萬里行。
贈君湛

盧酌君酒雲樹江頭無限情

送僧官覺昂還衢州

曉漏初辭 玉陛鐘海雲飛錫過江東
清泉碧樹題詩處猶記相逢野寺中

題詠

題洞賓像

鐵笛一聲黃鶴樓白雲千頃洞庭秋
金丹即是先天易龍虎何須身外求

胡人獵騎圖

足馬沙場雪滿山胡兒何處射鵬還
漢家多少嫖姚將切莫彎弓近玉關

寄簡

寄湖西

栢雨亭前翠滿山題詩遙寄白雲間
武夷溪上西湖月應照仙人玉珮環

簡平嵩

河上野人常閉門三秋念汝久離群
芙蓉花放偏宜月石鼓峯高不礙雲

行役

宿濟亭

濟水西風浩蕩征蓼花湖岸晚烟晴南來客
子情無限閒聽吹簫三兩聲

草萍驛書壁

青春作伴又南歸盡省蹉跎心事違一咲草
萍山下路停車閒看白鷗飛

大安驛次包蒙泉王石沙韻

玉樹風前見兩君清詩妙墨落秋雲燕山闕
海八千里白鶴青鸞自不群

閒適

春暮課農瓊河獨酌至醉信筆十首
命曰河上醉歌

河上仙人紫玉杯春花爛熳一齊開高歌獨
酌醒還醉卧聽松風響似雷

其二

新年不到水雲居忽漫春泉碧滿渠花樹影
照沙徑鶴海霞光照石林書

其三

飲酒三鍾詩一章小童歌罷夜茫茫蟲聲四壁
如人語風送柝花滿院香

其四

嬾性從來薜荔鄉為農山澗興偏長弋人休
慕江邊鴈碧海青天汝自忙

其五

彤樓金榜五雲天回首風塵二十年昨夢身
隨鳳池步漁舟原在野鷗邊

其六

朱紱南宮鵷鷺群音書萬里遠相聞于今寄
跡瓊河上却向燕山望白雲

其七

幾度雲岡堂上醉月斜雞唱是歸時蘭亭更
約談詩妙此夜懷人付玉卮

其八

記得環溪舊草堂聽琴同醉菊花傍何時小
棹沙邊至流水高山趣更長

其九

世事如碁柳似烟
翻雲覆雨底須憐
每從小圃觀紅藥
自向方池種白蓮

其十

去冬燒燭共寒宵
春盡俄驚花片飄
人事天時每如此
不妨物外自逍遙

武夷棹歌和文公先生十首

幔峯羽化列仙靈
紫霧紅霞水面清
十載忽醒塵海夢
秋風鶴背洞簫聲

其二

一曲飛橋架四船
玉龍吹雨下前川
溪松翠滴羊眠石
洞水蒼浮虎嘯烟

其三

二曲凌霄翠黛峰
雲裳玉貌鏡中容
晚來風雨洗粧罷
獨對天心月影重

其四

三曲空巖短短船
仙人一去已多年
丹爐石竈渾無用
瑶草琪花亦可憐

其五

四曲鷄鳴大藏巖桃花紅雪舞穆穆石床仙
蛻白雲冷把釣魚臺百尺潭

其六

五曲峯奇石洞深紫陽精舍萬松林伏羲臺
古連天柱誰識先生最苦心

其七

六曲峯迴瀑布灣仙人掌在碧蘿關桃源咫
尺烟霞隔流水雞聲白日閒

其八

七曲鷓鴣立釣灘芙蓉秋入畫圖看丹崖影
落舟航入鐵笛聲高雲水寒

其九

八曲壺岩紫翠開幽花細浪傍舟迴高樓石
鼓知無路何得天風落耳來

其十

九曲舟窮益渺然昔賢曾此泛平川留連洞
竹三生石悵望風泉一字天

林榕江先生集卷第十

